



Ang Banagbanag

The Dawn in the Cebuano

Panahon sa Pagpalagsik.....	3
Magtuman sa Balaod.....	11
Ang Tanan Anaa Ubos sa Sala.....	13
Ang Diyos Nagapamatarong.....	15
Paglaum Pinasikad sa Pagtoo.....	17
Kamatayon Nahimong Kinabuhi.....	19

Panahon sa Pagpalagsik

“Busa, paghinulsol kamo, ug pamalik na kamo kaniya, aron mapala ang inyong mga sala, aron ang mga panahon sa kahayahay magaabut gikan sa atubangan sa Ginoo.”

—Buhat 3:19

Si Apostol Pedro nagwali sa usa ka makapalamdag kaayo nga wali sa Adlaw sa Pentekostes, ug misunod niini siya mihatag sa usa ka mensahe, nga nasulat diha sa Buhat kapitulo tres. Ang unod niini ulahi nga mensahe mao ang milagro nga gihimo ni Pedro ug Juan, diin sila miayo sa usa ka tawo nga dili makalakaw gikan pa sa pagkatawo. (Buhat 3: 1-8) Ang mga tawo nga nagpundok didto naghinam-hinam ug masusihon kabahin niini nga milagro, mao nga gihimo ni Pedro nga kahigayonan sa pagpatin-aw sa pipila ka mga butang ngadto kanila.

Gipahinumduman ni Pedro ang mga naminaw nga kasagaran mga Hudiyo, nga sila mao ang direktang responsable sa kamatayon ni Jesus, apan ang Diyos nagbanhaw kaniya gikan sa mga patay. Siya miingon kanila nga pinaagi sa hugot nga pagtuo diha ni Jesus nga ang maong piang nga tawo namaayo. (bersikulo 12-18) Si Pedro dayon misulti sa mga pulong sa atong mga pang-abli nga teksto, nga naglaom nga tingali ang uban kanila tingali adunay kausaban sa kasingkasing, ug magtinguha sa paghinulsol ug pag-usab sa ilang dalan sa panggawi.

Diha sa hubad sa King James sa atong teksto, ang katapusan nga hugpong sa mga pulongmabasa, “gikan sa atubangan sa Ginoo.” Ang Griyegong pulong nga gihubad “presensiya” nagpasabot “nawong” o “panagway.” Tungod niini among gigamit ang Rotherham nga hubad, tungod kay kini nagpasabot nga mas tukma ang kahulogan sa Griyego. Ang hunahuna mao nga ang paglingi sa atubang ngadto sa usa nagpasabot sa pabor, o panaghigalaay, samtang ang paglingiw mao ang simbolo sa dili pag-uyon. Si Moises, maoy usa ka panig-ingnan, nga nakaangkon sa pabor sa Diyos, ug ang Kasulatan nagingon nga “ang Jehova misulti kang Moises nawong ug nawong, ingon sa usa ka tawo nga nakigsulti sa iyang higala.” - Exodo. 33:11

Ang mga tawo nga gitumong ni Pedro sa dihang naghisgot sa “mga panahon sa kahayahay”, ang nianang panahona, nahigawas pa sa nagpahiyom nga panagway sa Diyos. Hinoon, sila gipasaliga niya nga kon sila maghinulsol ug ibalik nila ang ilang mga kasingkasing ngadto sa Diyos, ang ilang mga sala mapala ug mabalik ang iyang pabor ngadto kanila. Si Pedro wala mohunong uban sa mga maayong balita sa “pangpabugnaw” nga gikan sa Diyos, alang sa mga tawo nga unya naghinulsol ug mibalik sa kaniya.

Siya nagpadayon sa pagsulti, “Ug aron iyang ipadala si Jesus, ang Cristo nga gitagana alang kaninyo, siya nga kinahanglan pagahawiran una sa langit hangtud sa panahon sa pagtuman na sa tanang gisulti sa Diyos pinaagi sa baba sa iyang mga balaang profeta sukad pa sa karaang kapanahonan.” (Buhat 3:20,21) Ang gitagna na nga “panahon sa panaghiuli, gipasabot ni Pedro, ang gisulti na sa tanan nga mga balaang profeta sa Diyos. Siya mipuno dayon, “Ug ang tanang mga profeta sukad pa kang Samuel ug sa mga nagsunod kaniya, ang tanan kanila nga misulti, nanagpahibalo usab mahitungod niining mga adlaw. Kamo mao ang mga anak sa mga profeta ug sa pakigsaad nga gihimo sa Diyos uban sa inyong mga ginikanan, sa iyang pag-ingon kang Abraham, ‘Pinaagi sa imong kaliwat pagapanalanginan ang tanang kabanayan sa yuta.’ Kamo mao ang unang gipadad-an sa Diyos sa iyang Alagad, sa iya nang napatindog siya, aron sa pagpanalangin kaninyo pinaagi sa pagpatalikod sa matag-usa kaninyo gikan sa inyong pagkadautan.”—Buhat 3:24-26

Pagkamakahuluganon ang mga pagpatin-aw ni Pedro sa mga saad sa Diyos! Buot niya nga mahibaloan sa mga nakadungog nga pinaagi sa paghinulsol sila makatagamtam sa pahiyom sa Diyos, bisan pa nga ilang gilansang sa krus ang “Prinsipe sa kinabuhi.” (bers 15) Bisan pa niana, sama sa giingon sa bersikulo 26, nga sila mao ang mga “una” nga makadawat niini nga panalangin. Sa diha nga “ipadala na pag-usab si Jesus-Kristo,” adunay “mga panahon sa pagpahiuli sa tanan nga mga butang.” Unya, si Pedro nag-ingon, nga ang Dios “magbangon sa” usa ka propeta nga sama kang Moises. Ang pagpaminaw ug pagsunod kaniya maoy gikinahanglan niadtong tanan nga mabuhi kay si kinsa kadtong mapakyas ang “pagalaglagon gikan sa taliwala sa mga katawohan.” – Bers. 22,23

PAGPAHIULI GIKAN SA DIYOS

Ang pulong “pagpahiuli” nga sa atong teksto gihubad gikan sa usa ka Griyegong pulong nga nagkahulogang “usa ka pagkaayo sa gininhawa,” o

pagbalik sa kinabuhi. Sa pagkatinuod, ang mahinulsolon ug konsagradong mga magtotoo sa karon nga Panahon sa Ebanghelyo ang gipakamatarung sa kinabuhi pinasikad sa hugot nga pagtuo sa giula nga dugo ni Kristo. Makabaton sila niining gipakamatarung nga kinabuhi alang sa katuyoan sa pagtahan niini diha sa pag-alagad sa Diyos, ug gianak nga ingon sa Bag-ong Linalang. (Gal 2:20; Roma 12:... 1; Heb 9:... 14,15; II Cor 5:17) Sulod sa sunod nga panahon, sa diha nga ang katawhan banhawon gikan sa lubnganan, kadtong tanan nga “makadungog sa propeta” ug matitud-anon sa mga balaod sa gingharian ang ipahiuli ngadto sa aktuwal nga kahingpitan sa kinabuhi sa tawo.

Sa paggamit sa makahuluganon nga simbolo nga gigamit ni Pedro, atong makita nga ang gilingiw sa Diyos ang iyang nawong gikan sa tawo tungod sa iyang paglapas sa balaanong balaod. Ang salmista misulat, “Sa iyang pabor mao ang kinabuhi.” (Sal 30: 5.) Kon ang pagpahiuli sa kinabuhi mao ang resulta sa pabor sa Diyos, ang bali niini mao ang tinuod. Ang kamatayon mao ang resulta sa iyang dili pag-uyon. Mao kini nga sa diha nga ang Diyos gilingiw na ang iyang panan-aw sa iyang tawhanong mga linalang tungod sa ilang pagkamasupilon, ang kamatayon mao ang resulta.

Uban sa kakulang sa pabor sa Diyos miabut ang sakit, pag-antos, ug kasubo. Ang mga panalangin nga nasinati niadtong gipaboran sa Diyos ang wala mahibaloi gawas niadtong pipila lamang sa tibuok nga mga katuigan. Pipila lamang ka gidaghanon nga, pinaagi sa hugot nga pagtuo, ang nagtinguha sa Ginoo nga gisaligan ug gipakitaan sa iyang mga plano ug mga katuyoan. Ang kadaghanan, hinoon, ang karon nga kagabhion sa sala ug kamatayon ang gihulagway pinaagi sa mga damgo sa kahadlok, nga tingali unya mahiagom sa mas grabe nga kalamidad ugma. Unsa ka maayo pagpahayag ni Job sa diha nga siya miingon, “Ang tawo, nga natawo sa usa ka babaye sa pipila ka adlaw, ug puno sa kasamok.”—Job 14:1

Ang kasakitan nga misunod sa kalapasan, sa diha nga ang Diyos mitalikod sa iyang tawhanong mga linalang, dili molungtad hangtod sa hangtod. Sa mao usab nga bersikulo nga gikutlo sa sayo pa gikan sa Salmo, ato usab mabasa, “ang paghilak mopabilin sa kagabhion, apan ang kalipay moabut sa kabuntagon.” Mao kini ang pagwagtang sa pabor sa Diyos nga maoy hinungdan sa kangitngit nga nipatigbabaw sa tawhanong kaliwat, nga nagwagtang sa tawo sa kalipay ug kalinaw. Ang pag-abot ni Jesushinon, isip gasa tungod sa gugma sa Diyos ug ang “kahayag sa kinabuhi,” nagpasabot sa pagbalik sa pabor sa mga tawo

nga modawat kaniya ug mosunod sa iyang mga balaod.-Juan 3:16; 8:12

Mao kini ang gipasabot ni Pedro sa dihang siya miingon nga ang “mga panahon sa pagpahiuli” moabut gikan sa “sa nawong sa Ginoo.” Kana nga kahayahay moabut pinaagi sa hugot nga pagtuo sa mga tawo nga naghinulsol niining tibook nga panahon karon ug nitahan sa ilang mga kaugalingon sa bug-os nga pagpahinungod ngadto sa Diyos. Ingon man usab, sa sunod nga panahon, ang Diyos ang maghatag ug kahayag sa iyang nawongw, ug ipahiguli ang tanan nga mga katawhan kinsa makadungog “niana nga manalagna,” ug magsunod gikan sa kasingkasing sa mga balaod sa gingharian ni Kristo. Sa pagkatinuod, ang “mga panahon sa kahayahay” nagpasabot sa kinabuhi ug kahayag. Ang kamingawan sa sala ug kamatayon nahisama na sa hulaw nga ingon sa gabii nga mangitngit. Kini gitawag ni David “sa walog sa landong sa kamatayon.” - Salmo 23:4

ANG KALIBUTAN KARON WALA MAKAILA SA DIYOS

Ang Bibliya naghisgot sa usa ka gutom dinhi sa yuta alang sa “pagdungog sa mga pulong ni Jehova.” (Amos 8:11) Pagkatinood gayud niini. Ang Tawo nag-antus sa hilabihan tungod kay wala siya nakadungog ug nakasabut sa matood nga kinaiya sa Diyos. Isip resulta, siya nagapanghikap diha sa kangitngit sa pagpaningkamot nga makakita ug kahupayan, paglaum, o pasalig nga taliwala niining kawalay-kasegurohan ug mga kasakit, adunay moabut nga usa ka malipayon nga ugma. Apan, tungod niini ang tawo nihupot sa hiniloan nga tubig sa kasaypanan ug patuotuo, ang pag-inom niini imbes makapalagsik sa kalag, ang nagpuno sa iyang hunahuna sa mga bakak ug mga mga paghanduraw nga samot pa nga nakapalibog kaniya. Si Satanas, ang dakung malimbongon, ang sa walay katapusan andam sa paghalad sa usa o sa lain sa iyang bakak nga mga mugna, alang sa tataw nga katuyoan sa paglimbong sa hunahuna sa tawo mahitungod sa kinaiya ug mga katuyoan sa Dios.

Diha sa kalibog tungod sa nagkalain-laing mga bakak nga mga pagtulon-an ni Satanas, kadtong mga apektado dili na makahimo sa husto nga pagpangatarun, ug nahimong buta ug bungol sa kahayag ug sa tingog sa Bibliya nga mobagting sa kasiguroan nga “ang Diyos mao ang gugma.” (Juan 4: 8,16) Ang Bibliya yano nga nagpahayag nga “ang bayad sa sala mao ang kamatayon.” (Roma 6:23) Bisan pa niana, ang kadaghanan kansang mga hunahuna nahaylo sa mga bakak ni Satanas moinsistir nga ang walay katapusan nga pagpaantos, dili kamatayon, mao ang silot sa sala. Kona atong an-awon ang Kristohanon ug dili-Kristohanong mga

tinuohan, atong makita, uban sa pipila ka eksepsyon, nga ang pagsulay sa pagduol sa Diyos ug pagsabot sa iyang mga katuyoan ang nababagan sa nagkalain-laing nagpahisalaag nga mga hunahuna ug mga teoriya. Kini, ang nakapasilsil sa kahadlok ngadto sa mga kasingkasing sa mga katawhan, ug nakatabon sa ilang mga panan-awon sa usa ka matuod nga Diyos, ang Magbubuhat sa langit ug sa yuta.

PANAGWAY SA DIYOS GIYAHAT

Sa higayon nga ang mga gikinahanglang leksyon makat-unan na sa tawo gikan sa iyang kasinatian niining “gutom” nga kahimtang sa pagkabulag gikan sa balaanong pabor, ang Diyos magabangon sa iyang nawong sa ibabaw sa katawhan, ug ang tanan nga maghinulsol ug mosunod ang mabag-o sa kasingkasing ug kalag. Human sa labaw sa unom ka libo ka tuig sa kamingawan sa pagtalikod sa Magbubuhat sa katawhan, pagkamadagayaon sa kahayahay ug pabor ang moresulta dihasa pagbalik sa pagtan-aw sa Diyos ngadto sa katawhan.

Giingnan si Pedro sa iyang mga mamiminaw, ang pipila niini may kalabutan sa paglansang sa krus ni Jesus, nga sila mahimo nga, pinaagi sa paghinulsol ug pinaagi sa hugot nga pagtuo, mabag-o sama isip resulta sa katubsanang gitagana diha kang Cristo Jesus. Kini mao ang basehan niining maong buhat sa pagtubos, ug ang oportunidad alang sa kinabuhi nga gihatag niini, nga ang katawhan mahayahay. Kon wala kini nga “lukat alang sa tanan, nga pamatud-an sa tukma nga panahon,” ang tawhanong kaliwat magpabilin sa kangitngit, ug ang kagutom nga resulta gikan sa pagkawala sa pabor sa Diyos magpadayon sa pagkaylap diha sa kamatayon. (1 Tim 2: 5,6) Magpasalamat kita sa Diyos alang sa kasiguroan nga sa dili madugay siya mopataas sa iyang nawong sa ibabaw sa mga tawo ug sila mahimong mahamout.

Ang kahayahay sa tawo mahimong sa daghan nga mga butang. Sila ipahiguli uban sa usa ka tinuod nga kahibalo sa Diyos ug sa iyang plano alang sa kinabuhing dayon ug kalipay. Sila ipaghiuli uban sa kasiguroan sa kalinaw, kasegurohan, ug kausbawan sa kasingkasing, hunahuna, ug lawas. Sila ipaghiuli uban sa panglawas, sa mental ug pisikal, sa kabaskog nga ang tanang matang sa sakit, bisan pa ang mga sakit sa pagkatigulang, mamahimo na lamang handumanan sa nangagi, kay “walay nay kamatayon, ni kasubo, ni paghilak, ni bisan unsa pa nga dugang nga kasakit.”- Pinadayag 21: 4

Walay usa ka pulong nga hulagway ang igo sa hingpit nga paghulagway sa kalainan tali sa mga kasinatian sa tawo sa panahon nga giwala sa

Diyos ang pabor kanila, ug ang panahon, karon nga haduol na, sa diha nga ang Magbubuhat magabangon sa iyang nawong ibabaw sa nahulog nga kaliwat aron sa pagpahiuli sa katawhan. Bisan uban sa pagtandi nga ingon niini, ang atong limitadong hunahuna mapakyas sa pagsabot sa hingpit nga kahulugan sa unsa ang “mga panahon sa kahamungaya gikan sa nawong sa Ginoo” ang gipasabot niini ngadto sa makaloloy ug nag-agulo nga nilalang.

Bisan tuod dili nato bug-os masabtan ang kadako sa mahigugmaong mga tagana sa Diyos alang sa paghiuli sa tawo ug panalangin, mao kini ang kamatuoran nga gitudlo diha sa tibuok Pulong sa Diyos. Busa sa ingon, kini dili misteryoso, makalibog, o kaha dili masabtan. Kini adunay, ingon nga mga gamot, ang kanunay nga gibalik-balik sa saad sa Bibliya nga kini mao ang plano sa Diyos ang pagpanalangin sa “tanang nga kabanayan sa yuta” uban sa kinabuhi, kalinaw, seguridad, panglawas, ug kalipay.-Gen. 12: 3; 22:18; Buhat 3:25; Gal. 3: 8

PAGHIULI GISAAD USAB

Ang panahon sa pagpalagsik pinaagi sa pagpamatarung sa kinabuhi pinaagi sa pagtuo ang moabot niadtong mga naghinulsol isip resulta sa pagwali ni Pedro. Kabahin niini nga pagpalagsik, nga moabut sa tanan nga mga tinawag ug pinili sa karon nga panahon, ang paglaom nga mahimong kabahin, uban ni Kristo sa iyang gingharian, sa buhat sa pagpahiuli sa kaliwatan sa tawo gikan sa sala ug kamatayon. Kini nga buhat gihinganlan ni Pedro ug pagpahiuli- “panahon sa pagpahiuli sa tanan nga mga butang.” (Buhat 3:21) Sumala sa Griyegong Lexicon ni Thayer, ang Griyegong pulong nga gihubad dinhi nga “uli” nagpasabot “pagpasig-uli.” Samtang dinhi sa yuta, si Jesus miingon nga siya mianhi “sa pagpangita ug sa pagluwas sa [uli sa] mga nawala.” (Lucas 19:10) Ang iyang Unang Pag-anhi ang nag andam sa dalan alang sa pagbalik sa tawo ngadto sa Diyos pinaagi sa probisyon sa lukat. Sa panahon sa iyang Ikaduhang Pag-anhi, si Kristo, uban sa iyang matinud-anon nga sumusunod niining panahona, ang magdumala sa buhat pagpahiuli sa tawo ug sa pagpahiuli sa tanan nga mga butang nga nawala kaniya isip resulta sa sala, pag-antos, ug kamatayon.

Si Job mao ang usa sa “balaan nga mga propeta” sa Diyos nga gisulti ni Pedro. Ang tibook niyang kasinatian sa kinabuhi mao ang usa ka paghulagway sa mga pakiglalabot sa Diyos uban sa kaliwatan sa tawo. Si Job usa ka matinud-anon nga alagad sa Diyos, apan ang balaan nga kaalam nagtugot nga moabut kaniya ang daghang kasakitan, ingon nga

ang Diyos nagtugot sa dautan sa pagsakit sa tibuok kaliwatan sa tawo. Apan, sa katapusan nangilabot ang Diyos alang kang Job, ang iyang panglawas gipahiuli, ug mga panalangin sa kinabuhi sama niadtong mga nangawala kaniya ang gibalik ngadto kaniya. Human makakat-on ug leksyon sa iyang mga kasinatian, miingon si Job, “Ako nakadungog mahitungod kanimo tungod sa pagpamati sa igdulungog; Apan nakita ko ikaw karon sa akong mata.” - Job 42: 5

Ang “makita” ang Diyos sa usa ka mahulagwayong paagi tingali mao ang labing makapalagsik nga kasinatian nga mapahimuslan sa tawo isip resulta sa iyang pagpasig-uli, sa diha nga ang diosnong pabor mahibalik na kaniya. Adunay daghan sa mga binilyon nga katawhan nga nabuhi ug namatay nga nakadungog sa Diyyos “tungod sa pagpamati sa igdulungog.” Ang iyang ngalan ang ginasangpit sa mga ngabil sa baga nga panon sa katawhan, apan pipila lamang kanila ang tinood nga anaa siya sa ilang mgakasingkasing. Sa husto lamang nga paghatag sa kahibalo sa Diyos diha sa Mesiyanikong gingharian nga ang tawo nga makahimo sa “pag-tanaw” – pagsabot, pagtagad, t-kaniya uban sa mga mata sa pagsabut. Bisan si Job mas tin-aw nga “makakita” sa Diyos kay sa sa panahon sa dihang ang kamatayon naghari sa yuta.

Samtang si Job anaa sa dako nga kasakitan, iyang gipangayo sa Diyos nga tugotan siya nga matulog diha sa kamatayon hangtud nga mahuman ang tanang balaanong pag-antus. (Job 14:13) Si Job andam nga mamatay tungod kay siya adunay hugot nga pagtuo nga ang panahon moabut nga ibalik sa Diyos ang iyang nawong ngadto sa mga katawhan, nga ang mga patay ipahiuli sa kinabuhi, ug mapalagsik sa mga panalangin sa iyang pabor. “Ako maghulat,” miingon si Job-maghulat sa pagkatulog sa kamatayon-hangtud “ikaw magtawag, ug kanimo ako motubag: Ikaw adunay usa ka tinguha sa buhat sa imong mga kamot.” (bersikulo 14,15.) Sa pagkatinoood, ang tawo gilalang sa Diyos, ang buhat sa iyang mga kamot. Ang tawo nahulog gikan sa iyang orihinal nga kahingpitan, apan sa buhat sa Diyos sa paglalang kaniya wala makawang. Siya makadungog sa tawag sa Diyos gikan sa kamatayon, ug mabuhi pag-usab!

PANAHON GIKINAHANGLAN

Ang atong limitadong panghunahuna maoy naghatag niini ug kalisod sa paghanduraw sa tanang bahin sa buhat sa pagpahiuli. Ang panahon maoy usa ka importanteng elemento nga ikonsiderar. Naanad kita sa paghunahuna diha sa atong hamubo nga gitas-on sa kinabuhi nga kita maghunahuna nga ang gisaad sa Diyos kinahanglan nga matuman sa

madali, tingali sa usa ka panahon nga sama sa kinabuhi karon nga moabot sa kapitoan ngadto sa kawaloan ka tuig. Ang Kasulatan nagsulti kanato, bisan pa niana, nga usa ka libo ka tuig ang gigahin diha sa plano sa Diyos alang sa katumanan niini nga katuyoan.-II Ped. 3: 8,9; Pin 20: 4,6

Ang Propeta Malaquias naghisingot sa panahon sa dihang “ang Adlaw sa pagkamatarung” ang “motindog uban sa pagpang-ayo diha sa iyang mga pako.” (Mal. 4:2) Sa diha nga ang makaayo nga mga silaw sa “Adlaw sa pagkamatarong” magsugod sa pagpakita sa ilang kaugalingon, kadtong mga tawo nga mosanong ug gipanalanginan tingali makaamgo nga dili na sila kinahanglan nga mamatay. Unya, kadtong mga nangatulog sa kamatayon mosugod na nga pukawon. Ang tanan nga mga binilyon nga nabuhi ang tudloan diha sa kahibalo sa Diyos ug sa iyang matarong nga mga dalan ug mga buhat, ug hatagan sa igong panahon sa pagpahiuyon sa ilang mga hunahuna, mga pulong, mga buhat-oo, ang ilang mga kasingkasing-ngadto sa balaan nga kabubut-on. Dili hangtud sa katapusan niana nga panahon sa makaayo nga kahayag nga ang tanang mga gabon sa kangitngit ang pagatibulaagon, ug ang tanan nga kahimtang sa kamingawan sa nangagi ang magmabungahon ug madagayaon.

It will require the entire Messianic reign of Christ and his church to bring to completion the blessing, refreshment, and restitution of mankind. Even then, the only ones to be blessed eternally by the life-giving rays of that “Sun of righteousness” will be those who respond in heart obedience. Those who close their minds and shut up their hearts to the light, refusing to conform themselves to the divine will then made known, “shall be destroyed from among the people.” (Acts 3:23) For all others there will be eternal “seasons of refreshing from the face of the Lord.” Kini nagkinahanglan sa tibuok Mesianikong paghari ni Kristo ug sa iyang simbahan aron sa paghimo sa katumanan sa pagpanalangin, pagpalagsik, ug pagpahiuli sa katawhan. Bisana pa man, kadto lamang mapanalanginan sa kahangturan sa naghatag ug kinabuhi nga mga silaw sa “Adlaw sa pagkamatarong” mao lamang kadtong mga tawo nga mosanong sa kinasingkasing nga pagkamasulundon. Kadtong nagsirado sa ilang mga hunahuna ug nagtabon sa ilang mga kasingkasing ngadto sa kahayag, nagdumili sa pagpahiuyon sa ilang mga kaugalingon ngadto sa Diyos nga unya ipahibalo, “pagalaglagon gikan sa taliwala sa mga tawo.” (Buhat 3:23) Ang tanan nga uban adunay hangtod sa kahangtorang “mga panahon sa pagkalagsik nga magaabut gikan sa nawong sa Ginoo.” ■

Senemanang Pagtolun-an sa Bibliya

Leksyon Para sa Hulyo 3, 2016

Magtuman sa Balaod

Yabeng Bersikulo: **ANG LANGITNONG AMAHAN**
“Kay dili ang mga nagapatalinghug sa kasugoan maoy matarung sa atubangan sa Diyos, kondili ang mga nagatuman sa kasugoan mao ang pakamatarungan.”
nagmugna sa makatarunganong mga lagda ug baruganan nga arang sundon ug buhaton sa tanang mga binuhat nga may mga salabutan. Sa iyang hingpit nga kapasidad, si Adan may katakos sa pagsunod niini, ug sa ingon magtugot kaniya sa pagpuyo diha sa kalipay ug makasinati sa kinabuhing walay katapusan, katagbawan ug kalinaw.-Salmo 119: 165

—Roma 2:13

Piniling Kasulatan:

Roma 2:11-29

Sugod sa pagsupak ni Adan didto sa Eden, ang tibuok tawhanong pamilya nahimong kontaminado sa sala ug, busa, dili na makahimo sa pagsunod sa mga Balaan nga balaod. Gawas sa Anak sa Diyos, kinsa mibiya sa iyang langitnong panimalay ug mianhi sa yuta aron mahimong usa ka halad lukat alang kang Adan ug sa tanang katawhan nga nakapanunod sa iyang sala, walay “bisan kinsa nga matarung, wala, bisan usa.” (Roma. 3:10) Busa atong makita nga ang katawhan anaa sa ilalum sa silot nga kamatayon, ug padayon nga malaglag. Hinoon, bisan pa nga wala nakahibalo, sila naghulat sa laing bahin sa plano sa Diyos nga magpukaw kanila gikan sa paghikatulog diha sa kamatayon.

“Bisan kinsa nga magabantay sa tibook nga Kasugoan, apan unya makasala siya sa usa ka punto, siya sad-an sa tanan.” (Santiago 2:10) Ubos niini nga pamahayag, ang panghimaraut anaa tanan nga mga nakasala. Ang tanan nga sad-an, bisan pa kadtong mga tawo nga naglimbong sa ilang kaugalingon pinaagi sa paghunahuna nga sila wala masayop sama sa uban nga nakitaan sa mas salawayong panggawi. Sa pagkakaron, adunay duha ka mga klase sa mga indibidwal nga sad-an sa sala. Usa ka grupo, ang kalibutan sa kinatibuk-an, ang padayon nga nagsalig sa kaayo sa Diyos, ug wala maghinulsol sa sayop nga mga binuhatan. Sa

pagkakaran kini sila nagpabilin nga nahilayo sa Langitnong Amahan. Busa sila, ang maghulat sa pahimatngon “sa pagkamatarung” ug ang usa ka oportunidad sa pag-usab sa ilang mga karon nga kinaiya sa panahon sa gingharian sa Diyos. “Siya magatudlo sa usa ka adlaw, nga iyang paghukman ang kalibutan sa katarong, pinaagi niadtong tawo nga iyang gi-orden.” - Buhat 17:31

Ang ubang mga tawo niining panahon sa Ebanghelyo nakakat-on nga pinaagi sa paghinulsol ug pagdawat ni Hesukristo, nga maoy paagi aron makabaton ug usa ka relasyon uban sa Diyos, ilang igahin ilang mga kinabuhi ngadto kaniya sa pagpahinungod. Kini sila ipakamatarong ug maghambin sa paglaum nga makakab-ot sa himaya, dungog, ingon man usab sa kinabuhi nga walay katapusan, alang sa katuyoan sa pagtabang sa pagpasig-uli sa katawhan ngadto sa tawhanong kahingpitan sa panahon sa gingharian sa Diyos.-Roma. 2: 7; Pin 20: 6

Dul-an sa duha ka libo ka tuig na ang milabay, sa diha nga si Jesus mianhi sa yuta, gipresentar niya ang iyang kaugalingon ngadto sa Israel isip ang dugay na nga gisaad ug gilauman nga Mesiya. Kon ang igo nga gidaghanon nga mga Judio ang midawat sa tanyag nga mahimong usa ka nasud sa mga sacerdote ug mga hari, ang mga Hentil dili unta makaangkon ug oportunidad nga mahimong isig kamanunod uban ni Kristo sa iyang langitnong gingharian aron sa pagpanalangin sa tanan nga mga kabanayan sa yuta. Gawas sa mga nahibilin, ang mga Judio wala modawat sa atong Ginoo nga ilang Hari ug Manunubos. Sa katapusan, kini nga Hataas nga Tawag ang gipaabot ngadto sa uban. Mao nga ang lawas ni Kristo maglakip sa mga representante gikan sa tanang mga kanasuran, tungod kay ang Diyos walay pinalabi sa mga tawo.-Gal. 3: 16,27-29; Roma. 2: 10-12

Ang yabeng bersikulo nagpahinumdom kanato nga ang mga Judio dili makakab-ot sa pagkamatarong tungod sa ilang pagkawalay-katakos sa hingpit nga pagtuman sa Balaodnon ni Moises. Kita nga misunod kang Kristo mahimong mahimut-an lamang sa Diyos kon ang atong mga lihok ug pagkinabuhi nagiyahan sa mga baruganan nga gilati diha sa Kasulatan. Magresulba kita nga mahimong “mga mamumuhat” sa Pulong sa Diyos imbes kay sa “tigpaminaw” lamang nga maoy matood nga gapanghitabo sa atong kinabuhi karon. ■

Ang Tanan Anaa Ubos sa Sala

Yabeng Bersikulo: **Gipatin-aw ni Pablo ang matood nga**
“Kay sa atubangan ang tanan nga sakop sa banay sa katawhan
sa Diyos walay tawo makasasala. Apan, niadtong panahon sa Daang
nga pagamatarungan TEstamento, ang Langitnong Amahan niila sa
pinaagi sa mga Israel sa usa ka espesyal nga paagi, pinaagi sa
pagtuman sa usa ka kasabutan nga iyang gihimo uban sa mao
kasugoan, kay pinaagi nga nasud. Ang mga Gentil, sa laing bahin, ang
sa kasugoan nagaabut giisip nga mga langyaw ug mga dumuloong,
hinoon ang kahibalo halayo sa Diyos. “Pamatia kining pulong nga
mahitungod sa sala.” gipamulong ni Jehova batok kaninyo, Oh
—Roma 3:20 mga anak sa Israel, batok sa tibook nga banay
nga gikuha ko gikan sa yuta sa Egipto, nga
nagaingon: Kamo lamang ang akong giila sa
Piniling Kasulatan: tanang mga kabanayan sa yuta: busa silotan ko
kamo sa inyong tanan nga mga kasal-anan.”—
Roma 3:9-20 Amos 3:1,2

Kadtong mga natawo sa Hudiyong ginikanan nakadawat sa “mga pulong sa Dios” pinaagi sa mga tagna, mga simbolo, ug mga tambag nga nahisulat sa Hebreohanong Kasulatan. Bisan ang ilang mga kinabuhi wala mahiuyon alang sa katuyoan niadtong mga dinasig nga mga magsusulat, hilabihan gayud ang ilang pabor nga nadawat. Ang Diyos matitud-anon, dili masayop, ug makatarunganon. Busa, bisan unsa nga pangatarungan nga gigamit aron sa pagsulay sa pagpakamatarong sa makasasalang tawhanong paggawi halayo kini sa bug-os nga mga sumbanan sa pagkabalaan sa Diyos.—Roma 3: 1-8

Gitubag usab ni Pablo ang mga konsepto sa pagkalabaw sa natural nga mga Judio tali sa mga Gentil. “Nan, unsa man? kita mas maayo kay kanila? Dili, bisan sa unsa nga paagi: kay sa wala pa kita napamatud-an ang mga Judio ug ang mga Gentil, nga sila tanan anaa sa ilalum sa sala. Ingon sa nahisulat, Walay bisan kinsa nga matarung, wala, bisan

usa lamang: Walay bisan kinsa nga nakasabut, walay bisan kinsa nga nagapangita sa Diyos. Sila tanan nga na gikan sa dalan, sa tingub sila nangahimong walay pulos; walay bisan kinsa nga nagabuhay ug maayo, wala, walay bisan usa. Ang ilang totonlan maoy usa ka binuksan nga lubnganan; uban sa ilang mga dila ginagamit nila ang limbong; ang lala sa mga bitin anaa sa ilalum sa ilang mga ngabil.”- bersikulo 9-13

Ang usa ka daku nga lakang sa argumento ni Pablo mao ang panginahanglan sa pagdawat sa halad lukat ni Kristo ingon nga kini may kalabutan ngadto sa mga Judio ingon man sa mga Gentil. Ang Israel labi nga gipaboran sa Diyos gikan sa panahon sa iyang paglungtad isip usa ka nasud sa pagkamatay ni Jacob. Bisin pa niana, tungod kay dili perpekto, wala nila matuman ang mga balaodnon ni Moises. Sa laing bahin, ang mga Gentil napakyas usab sa pagkinabuhi sumala sa mga balaod sa ilang tanlag. Busa, walay usa niini nga grupo ang gipakamatarong pinaagi sa ilang mga buhat, apan ang tanan nga sad-an base sa sumbanan nga gilamid sa matarung nga Langitnong Amahan-bersikulo 19

Ang atong yabeng bersikulo ang sa ingon mopahilom sa baba sa matag usa. Kon wala ang probisyon sa balaan nga kalooy nga gipadapat sa pagtangtang sa nangagi sa pagkadili-masinugtanon ug sa karon nga sala, ang pagkamatatarong sa Diyos ang sa walay katapusan magasilot kang Adan ug sa tanan niyang kaliwatan. Ang Langitnong Amahan mahigugmaong naghatag sa iyang Anak aron nga “ang Kordero sa Diyos, nga magakuha sa sala sa kalibutan.” - Juan 1:29

Hinaot nga kita kansang mga mata nalamdagan pinaagi sa Espiritu Santo magsangyaw sa dakung kamatuoran ngadto sa tanan nga nakadungog nga ang haladnong kamatayon ni Kristo nag-abli sa usa ka bag-o ug buhi nga dalan. Uban sa pagkompleto sa iyang simbahan, ang mga panalagin modagayday ngadto sa tanang mga katawhan aron nga ang mga sala mahimong mawagtang unya sa katapusan. Mao nga ang yuta “mapuno sa kahibalo kang Jehova,” “Ug sila dili na gayud magtudlo ang tagsatagsa ka tawo sa iyang isigkatawo ug ang tagsatagsa ka tawo sa iyang igsoon, sa pag-ingon: Ilhon mo si Jehova: kay silang tanan managpakaila kanako, gikan sa labing diyutay kanila ngadto sa labing daku kanila, nagaingon si Jehova: kay pasayloon ko ang ilang kasal-anan, ug dili na gayud hinumduman ko ang ilang sala.”- Isaias 11: 9; Jer. 31:34 ■

Senemanang Pagtolun-an sa Bibliya

Leksyon Para sa Hulyo 17, 2016

Ang Diyos Nagapamatarong

Yabeng Bersikulo: **Gikan sa panahon nga nakasala si Adan**
“Ang pagkamatarung sa Eden, siya nawad-an sa pribilehiyo sa
gikan sa Diyos pinaagi pagpakig-ambit uban sa Diyos nga iyang
sa pagtoo kang Jesu- gitagamtam niadtong hingpit pa ang
Cristo alang sa tanan iyang kahintang, ug sa katapusan siya
nga magatoo. Kay namatay. Tungod sa pagtuo ni Abraham ug
walay kalainan sa Judio pagkamasulundon sa pag-andam sa paghalad
ug sa Gentil. Sanglit sa iyang anak nga si Isaac sa sakripisyo,
nakasala man ang kining mao nga buhat naghimo kaniya nga
tanan ug nakabsan sa gipakamatarong, ug siya gitawag nga “higala
himaya sa Dios, sila sa Diyos.” (Santiago 2:23) Bisan pa niana,
pagamatarungon pinaagi nakasinati si Abraham sa mga epekto sa
sa iyang grasya ingon napanunod nga ssala gikan kang Adan, ug
nga gasa, pinasikad sa siya namatay usab.
pagkatinubos tungod
kang Cristo Jesus.”

—Roma 3:22-24

Piniling Kasulatan:

Roma 3:21-31

Roma. 3:20; Heb. 10: 1-4

Ang atong Yabeng Bersikulo nagpakita, bisan pa niana, nga ang pagkamatarung o gipakamatarong nga gikan sa Diyos mao ang anaa sa mga magtutuo nga adunay hugot nga pagtuo diha sa kaepektibo sa halad lukat ni Kristo. Kini nga pagtubos halad mao ang usa ka pagpakita sa daghang grasya sa Diyos, sa walay pagtagad sa kagikan niini usa man siya ka Judio o usa ka Hentil.

Ang pilosopiya sa mekanismo alang sa pag-angkon ug pagpasig-

uli uban sa Diyos ang dugang pa nga gipasabot pinaagi sa mosunod. “gitanyag sa Diyos ingon nga halad pasig-uli pinaagi sa iyang dugo, sa maong halad nga pagadawaton pinaagi sa pagtoo. Kini maoy pagpakita sa pagkamatarung sa Dios, kay sa iyang langitnong pagkamainantuson gisayloan man lamang niya ang kasal-anan nga nangahimo kaniadto; kini maoy pagpamatuod karong panahona nga siya matarung ug nga siya magamatarung sa tawo nga may pagtoo kang Jesus. Nan, hain na man ang atong pagpagarbo? Gipalagpot na sa gawas. Pinasikad sa unsang lagda? Sa lagda ba sa mga buhat? Dili, hinonoa pinasikad sa lagda sa pagtoo.”—Roma 3:25-27

Ang nahisgotan nagpatin-aw nga ang balaod sa mga buhat dili makapamatarung. Hinunoa, ang usa ka tawo pagamatarungon pinaagi sa pagtoo, nga naghatag sa tanan nga mga magtotoo diha kang Cristo nga mahimong mga anak sa Diyos. Kini ang nagpamatuod nga giwagtang ang bisan unsa nga hinungdan sa pagpanghambog sa mga Judio nga giamuma ilalum sa Pakigsaad sa Balaod, nga wala nila matuman. “Busa ang kasugoan nahimong atong magtatagad sa pag-agak ngadto kang Cristo, aron kita pagamatarungon pinasikad sa pagtoo. Apan human sa hugot nga pagtuo nga miabut na, wala na kita sa ilalum sa magtutudlo. Kay kamong tanan mga anak sa Diyos pinaagi sa pagtoo diha kang Cristo Jesus. “- Gal. 3: 24-26

Ang relasyon ngadto sa Diyos anaa na sa tanan nga magtotoo nga mga Judio ug mga Gentil pinaagi sa pagkamatarung pinaagi sa pagtoo. “Sanglit kini mao ang usa ka Diyos, nga matarung sa circuncicion tungod sa pagtoo, ug sa pagkawalay circuncicion pinaagi sa pagtoo.” (Roma. 3:30) Bisan pa niana, ang Moisesnong Balaod mao ang usa ka matarung nga sukaranan alang sa moralidad. Sa pagkatinuod, kini maoy nahimong basehan alang sa pagkonbikto sa mga Judio tungod sa ilang pagkawalay-katakos ingon nga mga makasasala. Pinaagi sa iyang abilidad sa pagbantay sa tanan nga mga bahin niini sa hingpit sa panahon sa iyang yutan-ong pagpuyo, si Cristo gipadako ug naglig-on sa balaod sa Diyos.-ber. 28-31

Isip resulta sa pag gapos ni Satanas ug ang dautan gipugngan, ang tawhanong pamilya ang mahatagan sa usa ka oportunidad nga makig-uli ngadto sa Diyos ug maka-kab-ot sa kahingpitan. Sa katapusan ang mga benepisyo sa Bag-ong “Balaod” nga Pakigsaad ang makab-ot sa tanan nga mga katawhan, nga makahimo na unya sa pagbantay sa mga probisyon niini. ■

Paglaum Pinasikad sa Pagtoo

Yabeng Bersikulo: **BISAN** tuod nga ang hugot nga pagtoo ni Abraham ang nagpakamatarong kaniya ngadto sa panaghigalaay uban sa Diyos, pinaagi sa pagtoo sa halad lukat ni Kristo Jesus, ang mga konsagradong magtutuo karon ang giisip ingon nga gipakamatarung diha sa kinabuhi. Ang pagtoo nga ang merito sa pagkamatarung ni Cristo ang nagtabon sa atong mga sala, ug kita adunay kalinaw uban sa Diyos pinaagi sa pagkagianak sa balaan nga espiritu.-Roma. 5: 1

—**Roma 5:5**

Piniling Kasulatan:

Roma 5:1-11 Ang mga gipakamatarung nga mga magtutuo mahimo na karon nga maaglaom sa Labawng Tawag nga, kon matinud-anon sa pagtuman, resulta sa pagkab-ot sa diosnong kinaiya. Uban sa panglantaw niini nga importante nga relasyon nga ato karon nga gitagamtam uban sa Ginoo, ang atong panglantaw mao nga kita nagakalipay sa atong mga kasakit. Atong gipasalamatan nga ang maong mga lisud nga mga kasinatian ang gikinahanglan aron sa pag-umol sa atong kinaiya samtang kita mapailobong molahutay sa maong mga pagsulay. Makasalig kita nga kon kita padayon nga mosalig sa mga saad nga atong nadawat, nga nagsugod sa maayong buhat sa pagbag-o sa atong mga kinabuhi, ang Ginoo magtabang kanato nga magmalampuson hangtod sa iyang kahumanan.-Filipos 1: 6; Roma. 5: 2-4

Ang atong Yabeng Bersikulo ang kinahanglan maoy mahimong tinubdan pagdasig kanato. Kini nagpamatuod nga ang atong gihandom nga paglaum dili mahimo nga hinungdan sa masagmuyo tungod tungod kay kini mao ang usa ka bunga sa dakong gugma sa Diyos alang kanato. Atong nasinati kini nga gugma pinaagi sa impluwensya sa iyang Espiritu Santo, samtang kini naghimo kanato sa adlaw-adlaw nga mga buhat ug

pinaagi sa mga kasinatian sa atong mga kinabuhi.

Ang atong leksyon nagpadayon uban sa usa ka pagpalapad sa gugma sa Diyos nga gipadayag pinaagi sa dili matugkad nga gasa ni Cristo alang kanato. Kining tanan, matod pa ni Pablo, sa diha nga kami nahimulag gikan sa Dios ug mga ulipon sa sala. “Kay sa diha nga kita mga walay kusog, sa gitagal nga panahon si Cristo namatay alang sa mga dili diosnon. Kay halos alang sa usa ka matarung nga tawo nga magpakamatay: bisan tuod alang sa tawong maayo may uban nga mangahas sa pagpakamatay. Apan ang Dios sa iyang gugma alang kanato, nga, samtang kita mga makasasala pa, si Cristo namatay alang kanato.”- Bersikulo 6-8

Ang kapasidad sa pagtuman sa balaod sa Diyos maoy usa ka ebidensya sa kahingpitan. Si Adan nagtuyo nga makasala ug tungod niini, ang tanan niyang kaliwatan natawo nga dili hingpit. Isip mga makasasala gikan sa pagkatawo, imposible kini alang kanila sa pagtuman sa hingpit nga balaod sa Diyos. Mao kini ang hinungdan ngano nga si Jesus mianhi sa yuta. Nga ang iyang hingpit nga kinabuhi ang gibalhin sa Diyos ngadto sa tagoangkan ni Maria, siya natawo uban sa tawhanong kahingpitan. (Gal 4: 4.) Sa dakong plano sa Dios sa kaluwasan, si Kristo adunay abilidad sa paghatag sa hingpit nga pagkamasinugtanon sa matag higayon. Sa ingon siya makahatag sa lukat sa paghalad niya sa iyang kinabuhi ngadto sa pagsakripisyo. Iyang gipalit ang nasod sa Israel, nga nailawom sa silot sa Balaodnon ni Moises, ingon man sa tibuok tawhanong pamilya nga nakapanunod sa sala isip resulta sa pagkadili-masinupakon ni Adan. “Ingon nga pinaagi sa paglapas sa usa ka paghukom miabut sa ibabaw sa tanan nga mga tawo ngadto sa pagkahinukman sa silot; bisan pa sa ingon pinaagi sa pagkamatarung sa usa ka walay bayad nga gasa nga miabut sa ibabaw sa tanan nga mga tawo ngadto sa pagpakamatarung sa kinabuhi.”- Roma. 5:18

Ang mga konsagradong magtutuo kang Cristo, ang labi nga gipanalanginan niining panahona. Pinaagi sa pagdawat sa mga benepisyo sa halad ni Kristo ug gipakamatarung sa kinabuhi, sila gipagawas gikan sa pagkahinukman sa silot nga anaa sa tawhanong pamilya. Dugang pa niini, kon sila matinud-anon, sila usab gamiton nga mga instrumento sa paghiuli sa katawhan balik ngadto sa Diys sa panahon sa iyang gingharian. Hinaot nga ang paglaom sa paghari uban kang Cristo alang sa katuyoan sa walay katapusan pagpapha sa sala ang mag awhag kanato ngadto sa pagkamatatud-anon diha sa atong Kristohanong pagpuyo sa matag adlaw.-Pin. 20: 6; 21: 1-5 ■

Senemanang Pagtolun-an sa Bibliya

Leksyon Para sa Hulyo 31, 2016

Kamatayon Nahimong Kinabuhi

Yabeng Bersikulo: **Bisan tuod nga ang grasya sa Diyos**
Busa, pinaagi sa bautismo nagtumong sa takos nga pabor nga iyang
gilubong kita uban kaniya gihatag kanato, usa ka binuang alang
ngadto sa kamatayon, kanatong mga magtotoo nga maghunahuna
aron nga maingon nga sa paghimo ug tinuyong sala aron makadawat
si Cristo gibanhaw gikan sa dugang pa nga langitnong pabor. Ang
sa mga patay pinaagi sa tumong sa Diyos sa pagpakamatarong
himaya sa Amahan, kita kanato mao nga aron atong ihalad ang atong
usab managgawi diha sa mga kinabuhi diha sa pagsakripisyo. Kini
kabag-o sa kinabuhi.” mao ang uban sa usa ka panglantaw aron
—Roma 6:4 **pari nga maoy motabang sa pagwagtang sa**
Piniling Kasulatan: **mga dautan diha sa gingharian sa Diyos, sa**
Roma 6:1-4,12-14,17-23 **Kristo ipadapat na alang sa katawhan. Ang**
nga nakadawat sa Espiritu Santo, ang gibautismohan ngadto sa kamatayon
ni Kristo. Pinaagi sa pagtalikod sa kaugalingon ila na nga gilansang ang
ilang tawhanong kabubut-on, ug naningkamot nga mahimong balaanon
sa tanan nilang gisulti ug gibuhat.-Roma. 6: 1-3

Ang atong Yabeng Bersikulo nagpamatuod nga ingon nga atong nabanhaw nga Ginoo maghimo sa katuyoan alang sa iyang kamatayon, kita usab ingon sa Bag-ong mga Linalang, nga nabautismohan ngadto sa kamatayon ni Kristo, ang maglakaw diha sa pagkabag-o sa kinabuhi sa tibook natong Kristohanong pagpuyo. Sa katapusan sa atong dalan, ang pagkamatinoron niini nga pagpaningkamot moresulta unya sa atong pagkab-ot sa unang pagkabanhaw. Unya, nahiusa uban kang Kristo sa langitnong himaya ug gahum, kita makaambit sa buluhaton sa pagbayaw sa katawhan gikan sa sala ug pagkaubus balik ngadto sa panag-uyon uban sa Diyos.

Ang kaseryosong kinaiya sa mga panggawi diha sa kinabuhi sa mga konsagradong magtotoo ang padayon nga gipatin-aw ni Pablo niini nga kapitulo. “Busa kamo usab kinahanglan manag-isip sa inyong kaugalingon nga mga patay na ngadto sa sala apan diha kang Cristo Jesus mga buhi kamo ngadto sa Dios. Busa, ayaw ninyo tugoti ang sala sa paghari diha sa inyong may kamatayon nga mga lawas aron sa paghimo kaninyo nga masinugtanon sa mga pangibog niini. Ayaw ninyo itugyan ang mga bahin sa inyong mga lawas ngadto sa sala aron kini himoong mga galamiton sa pagkadili matarung, hinonoa itugyan ninyo ang inyong kaugalingon ngadto sa Dios ingon nga mga tawo nga nangabuhi gikan sa kamatayon, ug itugyan ninyo ang mga bahin sa inyong mga lawas ngadto sa Dios aron mahimong mga galamiton sa pagkamatarung. - bersikulo 11-13

Sa ubang dapit sa Kasulatan, kita usab gipahinumduman sa pagkugi diha sa atong paglakaw aron dili malit-agan sa mga dili-matarong nga mga buhat- mga pagpugas sa unod imbes sa pagpugas alang sa Espiritu. “Ayaw kamo palimbong; ang Diyos dili mabiaybiay, kay bisan unsay igapugas sa tawo, mao usab kana ang iyang pagaanion. Kay ang magapugas alang sa iyang kaugalingong unod, gikan sa unod magaani siyag pagkadunot; apan ang magapugas alang sa Espiritu, gikan sa Espiritu magaani siyag kinabuhing dayon.” (Galacia 6: 7,8). Atong susihon pagayo ang atong mga kalihokan, ang atong mga interes, ug ang atong mga sinultihan aron sa pagtino kon ang ba paghimaya sa Diyos mao ang labing hataas nga anaa sa atong mga hunahuna. Seryos ba kitang naningkamot nga makontrolar an gang atong lawasnong unod? Sa mga higayon diin kita napakyas, niadto ba kita sa trono sa Langitnong grasya ug determinado nga naningkamot sa pagbuntog sa atong mga kakulangan? -I Cor. 9:27; Heb. 4:16

Ang pagdapit aron makig-uban kang Kristo Jesus aron mahimong bahin sa iyang pangasaw-onon diha sa pagtabang sa pagwagtang sa sala sa panahon sa gingharian sa Diyos halawom kaayo. Atong hatagan ug bili kining dakong pribilehiyo pinaagi sa pagpasundayag sa pagkamatinumanon diha sa atong konsagradong paglakaw. “Kon ugaling gibanhaw man kamo uban kang Cristo, nan, pangitaa ninyo ang mga butang nga anaa sa itaas diin anaa si Cristo nagalingkod sa too sa Dios. Itumong ang inyong mga hunahuna diha sa mga butang nga anaa sa itaas ug dili sa mga butang dinhi sa yuta. Kay kamo nangamatay na, ug diha sa Diyos ang inyong kinabuhi natago uban kang Cristo.” —Colosas 3:1-3 ■